




**Prevenziun d'accidents**

Annualmain datti radund 60 grevs accidents da traffic cun affons che van cun velo.

5



**Adia Club da fans Marco Gini**

Dacuri ha gi lieu la festa da fin da la carriera da sport dal skiunz Marc Gini da Beiva.

10



# LA QUOTIDIANA

Redacziun: Via Sommerau 32, 7007 Cuirà, tel. 081 255 57 10, redacziun@laquotidiana.ch



Lucian Alig davos il buffet ell'ustria dil hotel Pèz Terri. FOTO S. MAISSEN

## Cun 19 onns hotelier

Il giuven Lucian Alig meina dapi dus onns il hotel Pèz Terri a Vrin

■ (anr/sm) Cuort suenter haver frequentau la scola da recrut ha Lucian Alig surprü il hotel Pèz Terri a Vrin. Il giuven da 21 onns ei carschius si entadem la Val Lumnezia denter uustria ed hotel. Lunsch naven dalla canera dil marcus meina Lucian Alig il hotel a Vrin dapi gleiti dus onns. Sco buob ha Lucian luvrau biaras stads ella Ustria dalla Posta. Aschia ei igl interess per la gastronomia carschius. Igl emprendissadi ha il giuven hotelier fatg a Glion ella cu-

schina dil spital. Sco agen patrun porta il giuven interpredider d'abia responsabladad. Ils dis ein liungs e lavur anflan ins en mintga cantun. La pissiun pil cuschar ed il contact culs hosps lai denton embliard las varts meins bialas. Tier siu engaschi survegn el sustegn dalla famiglia sco era d'amitgs. Cu el ha peda va el bugen per las muntognas e gauda il ruas dalla natira sco biars da ses hosps.

➤ PAGINA 3

## Origen va anc pli ad aut

Origen Festival Cultural

DA GION NUTEGN STGIER/ANR

■ Per ils quatter proxims onns daventa ina tur sisum il Pass dal Gügla la caratteristica dal pli grond festival da cultura da noss chantun. Construida vegn la tur sco chasa da teater e per la construcziun da quella vegnan investads 2.5 milliuns francs. Ina singularitad da Giovanni Netzer, l'intendant da l'Origen Festival Cultural, èsi da far experiments, e quai gia dapi il 2005, l'onn nua ch'el ha inizià ses festival da cultura. Da lez temp han bieras persunas strusch vesi in bun futur per Origen e bunamain prognostigà il naufragi da quest festival cultural. Oz, 12 onns pli tard, è Origen Festival Cultural ina instituziun da renum naziunal e la pli gronda occurrenza culturala da noss chantun. Ier ha Giovanni Netzer presentat a Turitg ses pli nov project che stat gia sin maisa. En trais emnas ha lieu l'emprima badigliada da la tur da teater sisum il Pass dal Gügla, sin ina autezza da 2300 meters sur mar. La tur surdimensionala ha ina autezza da



Sin il 12avel plaun d'in bajetg a Turitg è vegnida preschentada la tur da teater che vegn construida proximamain sin il Pass dal Gügla. Ella vegn ad esser in dals lieus per las producziuns da l'Origen Festival Cultural. FOTO G. N. STGIER

30 meters, in diameter da 22 meters e construida vegn ella cun 40 elements da lain. Per la construcziun da la nova marca dad Origen segna la Uffer SA da Savognin, cun ses patrun innovativ Enrico Uffer. Grazia al sustegn dal maun

public cunzunt dal chantun, da varsaquants vischmancas, da numerusas fundaziuns ed instituziuns, dentant er da la confederaziun e da bain enquala persuna privata èsi pussaivel da realisar quella tur da teater che porscha plaz

radund 300 visitaders. L'avertura ha lieu la fin da fanadur da quest onn e quai en preschient-tscha da cusseglier federal e minister da cultura Alain Berset.

➤ PAGINA 11



A Scuol sün Motta Naluns han ils responsabels pudü bivgnantar ingon numerus uffants. FOTO A. BADRUTJA

## Eir Pasqua be mediocra

■ (anr/fa) La paca naival principi da la stagiun ha influenzà ils resultats dals territoris da skis in Grischun. Las pendicularas in chantun han raggiunt ün resultat per 7,9 perschient main bun co la media dals ultims tschinch onns. Quai vala eir pels territoris da sport d'inviern Motta Naluns e Minschuns. Daniel Pitsch chi maina la gestiun dals Implants da sport Val Müstair SA disch chi ha-

jan stuvü serrar lur territorii fingià la fin da marz. «Da tgnair avert fin a Pasqua füss stat pussibel be scha no vessan pudü far naiva l'ingrossa.» Ch'els nun hajan amo ils resultats finals, manzuna Egon Scheiwiler, il director da las Pendicularas Motta Naluns SA, «a Pasqua vaina gnü dret blera gieud, ma ora d'avrigl.»

➤ PAGINA 9

### ■ PARLAMENT

#### Nagina uvida per arguments formals

(anr/ac) Il cussegl grond ha procurà ier mardi per ulteriu vapur per la viafier culturala. Cunter la veglia da la regenza ha el acceptà ina incumbensa dal deputa Rito Stiffler (pbd, Tavau). Arguments formals cunter la promozion turistica ed il cussegl grond è sa decidi per la viafier culturala. Uschè bain ch'els custs da quella purschida istorica sin il binari da la Viafier retica èn curclads sulet per 30 perschient. Il cusseglier guvernativ, Mario Cavigelli, ha appellà a cussegl grond da refusar l'incumbensa che na sa laschia betg realisar en sia formulaziun. Il mandat da prestaziun na sa laschia betg midar a favur da la viafier culturala senza ponderar la purschida dal traffic public actual.

Dals arguments dal cusseglier guvernativ ha la majoritad da cussegl grond vuli savair nagut ed ha acceptà l'incumbensa Stiffler cun 62 cunter 54 vuschs cun ina abstenziun.

➤ PAGINA 9

## Zavrar e sistemar

Il project «graubündenHIKE» sededichescha als viandonts

DAD AUGUSTIN BEELI / ANR

■ Il Grischun sco region ch'ei dependenta da quella petga economica ei staus pupergnaus ils davos 50 onns d'in bien svilup el turissem d'inviern. Oz tonscha quei buca pli. Viandar vala sco recept da success. Il turissem da viandar ei oz obligaziun – silmeins per organizaziuns che vulan gudignar hosps novs. Per quei fa la promozion dall'economia el Grischun gronds sforzas da reactivar il turissem da stad. Las impurtontas activitads ein igl ir cun velo da muntogna ed il viandar. En connex cul viandar ha la regenza approbau avon quater onns il project «graubündenHIKE». Ei se tracta d'in project semegliont sco «graubündenBIKE» ch'ins ha terminau ils 2015. Tuttas organizaziuns turisticas, ils purtaders da prestaziuns sco Viafier retica, Auto da posta, hotellaria, pendicularas ed ulterius ein involvai. Il hosp da viandar che vegn el Grischun duei

haver a disposiziun purchidas activas e conformas al temps. Per quei intent drova ei denton ina coordinaziun cun mesiras. Il concept «graubündenHIKE» ei colligiun cun 38 talas mesiras. Grischun Vancanas ha mess igl onn 2017 in accent principal ella comunicaziun dalla tematica «viandar». Cunquei accentuescha l'organizaziun la muntada dil project cul viandar sco activitad recreativa.

➤ PAGINA 3



Ir a viandar, suandar las marcaziuns ed ils muossavias, ei era la proxima stad trumf. FOTO A. BEELI



Servetsch d'abunents e da distribuziun: tel. 0844 226 226 mail: abo@sonmedia.ch